

सांवरा जल बिना सूखे रे नागर बेल,
साँवरा जल बिना सूखे रे नागर बेल,
मीरा सूखे रे हरी रा नाम ने हो जियो ॥

अरे म्हारा सांवरिया गिरधारी भेगो आय,
लाडला सांवरिया गिरधारी भेगो आय,
थारे बिना रे मीरा एकली हो जियो ॥

अरे म्हारे कोनी दुनिया में मायर बाप,
म्हारे कोनी दुनिया में मायर बाप,
आच्छी छिटकाई रे मृत्युलोक मे हो जियो ॥

अरे मीरा काई गाल्यो माला में जीव,
मीरा काई गाल्यो माला में जीव,
हार पेहरोनी गला मै नौलखौ हो जियो ॥

अरे राणाजी बालु जालु रे नौलख हार,
थारो बालु जालु नौलख हार,
प्यारी लागे मन माला राम की हो जियो ॥

अरे म्हारा सांवरिया गिरधारी भेगो आय,
लाडला सांवरिया गिरधारी भेगो आय,

थारे बिना रे मीरा एकली हो जियो ॥

अरे मीरा काई गाल्यो मन्दिर में जीव,
मीरा काई गाल्यो मन्दिर में जीव,
ऊंचा पधारो रंग रा महल मै हो जियो ॥

अरे राणाजी बालु जालु रे रंग रा महल,
थारा बालु जालु रे रंग रा महल,
प्यारी लागे रे कुटीया राम री हो जियो ॥

अरे मीरा काई भगवां मैं गाल्यो जीव,
मीरा काई भगवां मैं गाल्यो जीव,
शालु ओडो नी सांगानेर को हो जियो ॥

अरे राणा जी बालु जालु रे सांगानेर,
थारो बालु जालु रे सांगानेर,
प्यारी लागे मन चादर राम की हो जियो ॥

सांवरा सुन लीज्यो मीरा की अरदास,
सांवरा सुन लीज्यो आ मीरा की अरदास,
मीरा ने मीलगी वो हर की पालकी हो जियो ॥

सांवरा जल बिना सूखे रे नागर बेल,
साँवरा जल बिना सूखे रे नागर बेल,
मीरा सूखे रे हरी रा नाम ने हो जियो ॥

Upload By Ramawtar Jangir
8878567518

Source: <https://www.bharattemples.com/sanwara-jal-bin-sukhe-re-nagar-bel/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>